

文

選

旁

證

文選旁證卷第二十二

長樂梁章鉅撰

卷二十三下 王仲宣贈蔡子篤詩

贈蔡子篤詩一首 曹氏學佺歷代詩選刪此詩十二句存三十句分爲三首不知所據何本也

注晉官名曰 何校官上添百字胡公攷異曰晉上當有魏字  
隋書經籍志魏晉百官名五卷晉百官名三十卷並載晉書  
蔡謨傳曰曾祖睦魏尚書可見所引乃魏晉百官名也

王仲宣 向注子篤仲宣同避難荊州子篤還會稽仲宣故贈  
之何曰詩有濟岱語向所云還會稽乃臆撰耳

注將舫舟而下流 段校舫改方

濟岱江行 胡公攷異曰行當作衡注同六臣本作衡不誤校

云善作行非也何校云藝文類聚作衡可證

注鸚鵡賦曰何今日以雨絕本書鸚鵡賦以作之

雖則追慕六臣本追作進是也李注引法言以注進慕可證

注先穢之使也春秋文七年經晉先穢奔秦不作穢

注湛之麋醢毛本麋作鹿誤

涕淚漣漣漣當作而李注引左傳注作而可證濟注云漣亦

淚流也是五臣作漣耳

贈士孫文始

注三輔決錄趙岐注曰陳曰趙岐二字衍是也岐著三輔決

錄摯虞作注下云於今時猶存卽虞自謂作注之時也

亦克宴處六臣本處作起尤本克誤作剋

既度禮義毛本義作儀與注合

靡日不思 六臣本日作詰校云五臣作哲胡公考異曰此及上句皆取詩成文善注因人亦有言連引靡哲不思者猶之因靡日不思連引有懷於衛耳與正文無涉也惟銑注云哲智也是五臣作哲之證

注毛詩曰人無兄弟胡不比焉 今詩比作飲此益誤

慎爾所主 五臣主作之濟注謂之於澹津也

悠悠澹澹 水經澹水注云澹水又東經南安縣南澹水注之水  
水上承澹水於作唐縣東徑其縣北又東注於澹謂之澹口  
王仲宣贈士孫文始詩悠悠澹澹者也

贈文叔良

爾行孔邈 尤本行作往

注孟子曰吾聞之觀近臣 今孟子無之字說苑引亦有

謀言必賢

五臣賢作貞向注所謀出之言必正

探情以華觀著如微

楊氏慎升菴詩話云此本史記律書情

核其華道者明矣之語華者貌也按史記律書雖妙必効情

核其華道者明矣者不作著華亦不作貌解正義曰華道神

妙之道也則并非情核其華爲句也

注

敢請辭故

又

而不可以之告

又

孤用視聽命

又

君若卑天子

陳曰辭當作亂何曰之字當刪又曰視當作親陳同陳曰

卑上脫無字皆是也

注

有短垣而自踰之

段校有字上當有君字

梧宮致辨

水經淄水

注

云系水又北逕臨淄城西門北而西

流逕梧宮南昔楚使聘齊齊王饗之梧宮其地猶名梧臺里

臺甚層秀東西百餘步南北如減卽古梧宮之臺臺東卽闕

予所謂宋愚人得燕石處

注言江漢之君至非汝之功也 陳曰此良注削去爲是

于異地仇 六臣本于異作異于

劉公幹贈五官中郎將

劉公幹 濟注魏文帝來視楨疾楨賦詩以贈之

昔我從元后 又過彼豐沛都 嚴氏羽滄浪詩話云元后蓋指

曹操也豐沛喻操譙郡也是時漢帝尙存而言之如此正與

荀彧比曹操爲高光同利

注公子自是 胡公攷異曰是當作起各本皆誤

歎悅誠未央 六臣本歎作歡此但傳寫誤校云善作歎非

注說文曰痼久也 今說文作痞久病也痞卽痼字

自夏涉元冬彌曠十餘旬 五臣曠作廣翰注廣疎也徐鍇說

章明言秋日多悲懷是秋非冬也楚金所據本當不誤

常恐游岱宗 後漢書烏桓傳曰死者神靈歸赤山如中國人死者魂神歸岱山也章懷注博物志泰山天帝孫也主召人魂東方萬物始故知人生命

注 蔦旼強曰 陳校強改疆各本皆誤

注 幹白謂也 何校幹改楨非也幹卽公幹

霜氣何皚皚 六臣本霜氣作氛霜

注 說文曰皚皚霜雪貌 今說文作皚霜雪之白也

華燈散炎輝 燈當作餘 第一首第三首可證

注 漢儀注曰 毛本注誤作制

贈徐幹

隔此西掖垣濟注徐在西掖劉在禁省故有此詩

思子沈心曲長歎不能言都氏穆詩話云楚辭思公子兮未

敢言惟其不言所以爲思之至公幹此詩正本楚辭也

注尚書曰無偏無陂遵王之誼唐書開元十四年元宗以洪

範無偏無頗聲不協詔改爲無偏無陂冊府元龜中載天寶

三載之敕曰每讀尚書洪範至無偏無頗遵王之義三復茲

句常有所疑據其下文並皆協韻惟頗一字實則不倫周易

泰卦無平不頗釋文云陂字亦有頗音陂之與頗訓詁無別

爲陂則亦會意爲頗則聲不成文原始要終須有刊革朕雖

先覺兼訪諸儒僉以爲然終非獨斷其無偏無頗字宜改爲

陂云云但陸氏釋文成於貞觀而已云陂音秘舊本作頗音

普多反王氏鳴盛盧氏文弼皆以爲後人加改按吳才老韻



補儀牛何反周禮注儀作義古皆音俄正與頗韻協惟段氏  
玉裁據此注謂詔改以前已有古本作陂者朱氏瑋曰李注  
例凡異字必釋明此詩物類無頗偏正文作頗若注作陂亦  
當有頗與陂通之語而今無之知李引書本作頗殆後人依  
今書改爲陂耳至誼之作義則唐詔及匡謬正俗俱與此注  
合今作義者當又衛包以後所改也

贈從弟

華紛何擾弱

五臣作華葉紛擾溺向注可證

冰霜正慘愴

六臣本愴作悵是也注引楚辭可證

豈不羅凝寒

何曰羅凝作羅陳同是也作羅但傳寫誤

卷二十四

曹子建贈徐幹

衆星繁以繁

本書謝靈運南樓望所遲客詩注引以作已

注無求生以害人

唐石經論語及太平御覽人事部六十述

此語亦作害人然本書非有先生論注引仍作害仁

注說文曰櫺窻間也

今說文櫺櫺間予也尤本同按王逸楚

辭注亦曰櫺間予曰櫺說文櫺闌檻也

注而能相萬乎

何校萬改薦陳同各本皆誤

### 贈丁儀

丁儀

向注云魏志儀有文才子建贈以此詩有怨刺之意

注說文曰除殿階也

今說文除殿陛也

注西都賦曰玉除彤庭

胡公攷異曰除當作階此但引以注

玉字其除卽是階上文已注訖不知者用正文玉除改之非

也後贈何劭王濟詩注引不誤亦可證

注毛詩曰帥時農夫

今詩帥作率說見前

贈王粲

攬衣起西游

六臣本攬作攬誤

中有孤鴛鴦

本書陸韓卿奉答內兄詩注引中有作有彼

又贈丁儀王粲

從軍度函谷驅馬過西京

注

魏志曰建安二十年公西征張魯

何曰魏志建安二十三年七月治兵遂西征劉備九月至

長安此其事也注以王粲傳建安二十一年從征吳二十二

年春道病卒故以爲征張魯何又曰征魯未嘗至長安自陳

倉以出散關也注誤案文帝書徐陳應劉一時俱逝獨不言

粲則粲亡在二十二年後矣今按何所說皆非也本書魏文

帝與吳質書李注引典畧二十二年書云二月三日丕自粲

卒在正月二十四日相去不一旬必未知粲亦逝故不之及

也祭卒之年本傳有明文與魏武紀二十一年十月征吳二十二年春正月在道吻合祭卒之日本書王仲宣誄亦有明文何氏虛擬之詞未可爲據其所云公自陳倉以出散關乃紀書公征魯之路此詩函谷西京是丁儀王祭實至長安無妨爲別軍所由之路不必書於紀也倘如何氏所駁是祭非二十一年道卒直至二十二年秋七月猶無恙始有此詩則魏志本傳誄文無一可通矣

山岑高無極 六臣本岑作峰

注西都賦曰抗仙掌與承露 六臣本賦作寘抗作挖胡公攷異曰作寘者是後晉何劭贈張華詩注皆然作挖者涉下而誤說已見前與當作以

注樂與挖同古字通 姜氏皋曰一切經音義十二云古文挖

概二形今作槩同說文槩斡斗斛从木槩聲斡平也从木气聲玉篇以爲斡卽槩當是槩字重文月令正權槩鄭高皆云槩本器名用之平斗斛亦曰槩凡平物曰斡所以斡斗斛曰槩也然則此注之斡亦當作斡矣

贈白馬王彪

注魏志曰楚王彪字朱虎武帝子也初封白馬王後徙封楚集曰於圜城作又曰黃初四年姜氏臬曰三國志魏書武文世王公傳云楚王彪字朱虎建安二十一年封壽春侯黃初二年進爵徙封汝陽公三年封弋陽王其年徙封吳王五年改封壽春縣七年徙封白馬云云然則黃初四年不當稱白馬也而陳思王傳裴注引魏氏春秋云植及白馬王彪還國欲同路東歸以叙隔濶之思而監國使者不聽植發憤告離而

作詩藝文類聚亦題爲贈弟白馬王彪曹子建集陳氏書錄  
解題所載之本已不得見今所傳本則此詩前有序曰黃初  
四年至憤而成篇七十四字卽此注又曰以下之文張溥本  
同豈彪在是年已封白馬陳壽之書殆有不核者與

注會節氣到洛陽 尤本到洛誤作日不

謁帝承明廬 魏志文紀黃初元年冬十二月初營洛陽宮裴

注按諸書記是時帝居北宮以建始殿朝羣臣門曰承明

伊洛廣且深 又顧瞻戀城闕 魏志陳思王傳注廣作曠顧瞻

作回頭

注太谷在洛陽西南 劉氏履曰此指東路所經行之山谷也

善注非按東京賦注引洛陽記云太谷洛城南五十里舊名

通谷此注多西字耳

霖雨泥我途魏志注泥作凝何曰不直言有司禁其同路託

之霖潦改轍恐傷國家親親之恩也按詩中本圖相與偕中更不克俱又蒼蠅間黑白讒巧令親疎何嘗不直言且注中已引七月大雨伊洛溢流云云則霖雨泥途亦實事也

注七月大雨按魏書文紀四年云六月甲戌任城王薨於京

都是月大雨伊洛溢流是不當作七月且魏書此節下文有秋八月云云八月上冠以秋字是前未載秋令之月也

中達絕無軌魏志注達作田

鬱紆將難進六臣本難進作何念魏志注同

讒巧令親疎魏志注令作反

踟躕亦何留六臣本校云何善作可非也作何注有明文

歸鳥赴喬林翩翩厲羽翼獸走索羣銜草不遑食魏志注

歸鳥二句在孤獸二句之下喬作高

撫心長太息

又

太息將何爲

魏志注太並作歎將作亦

孤魂翔故城

魏志城作域五臣亦作域翰注可證

存者忽復過亡沒身自衰

魏志注忽作勿劉氏履曰存者亡

沒四字疑互誤

去若朝露晞

又

咄嗒令心悲

魏志注去作忽嗒作咄

注說文曰咄叱也

今說文咄相謂也段曰謂欲相語而驚之

之習凡言咄嗒咄嗒咄怪事者皆取猝乍相驚之意倉頡

篇曰咄嗒也說文曰嗒驚也是已

憂思成疾疹無乃兒女仁

魏志注無此二句

變故在斯須

五臣斯須作須臾濟注可證

注太子執報桓榮書曰

胡公考異曰執字不當有各本皆衍



太子漢明帝也在范蔚宗書桓榮傳

收淚卽長路 魏志注淚作涕路作塗

贈丁翼

丁翼 三國魏志翼作翼

秦箏發西氣 趙氏璘因話錄云黃帝破古瑟五十絃爲二十

五弦秦人鼓瑟兄弟爭之又破爲兩箏之名始此或云蒙恬

分瑟爲兩集韻又云秦人薄義父子爭瑟各入其半遂名

君子義休侍 五臣侍作待良注可證

世俗多所拘 五臣世作時翰注可證

嵇叔夜贈秀才入軍

贈秀才入軍 本集共十九首良馬旣閑其第九也輕車迅邁

其第十二也浩浩洪流其第十三也息徒蘭圃其第十四也

明夜肅清其第十五也銑注秀才叔夜弟不知所本

注說文曰磻以石著繳也 尤本繳上有弋字今說文磻以石

著雖繳也玉篇磻以石維繳也同文著

注所以得魚也 何校得改在陳同各本皆誤

注聲而斲之又臣則當能斲之 何校聲改聽陳同各本皆誤

六臣本當作嘗是也

注帟平帷也 何校帷改帳是也

佳人不在 韻語陽秋云詩中或曰好仇或曰良朋此又曰佳

人皆非兄弟之稱

司馬紹統贈山濤

處身孤且危 何曰彪本高陽睦長子少以好色蕩行爲睦所

責不得爲嗣由此不交人事專精羣籍其求薦於山公益非

得已

注說文曰鸞鷟鳳屬 今說文鸞鷟鳳屬

今者絕世用 六臣本校云用善作人非也作用注有明文

冉冉三光馳 六臣本馳作遲

注天道幽昧 幽當作悠尤本六臣本不誤說詳歸田賦

注赤水之山有神 今山海經大荒北經云赤水之北有章尾

山此脫北有章尾四字蓋赤水不可言山也

張茂先答何劭

注貽爾新詩又 陳校又改文是也各本誤

注吉父作頌 今詩父作甫案顏氏家訓音辭云甫古書多假

借爲父字

衰夕近辱殆 六臣本作衰疾近殆辱

注已已衰老也老子曰尤本脫也老二字

周任有遺規其言明且清

注

子思子詩云昔吾有先正其言明

且清

林先生曰禮緇衣引詩曰昔吾有先正其言明且清鄭

注不言何詩陸德明以爲逸詩洪容齋云據張茂先詩則是

周任所作善注以爲子思子想有所據而不及周任遺規之

義又不可曉此蓋借逸詩以贊周任之言卽以爲周任詩亦

未當也謹按禮緇衣篇今傳爲公孫尼子所作說本於劉瓛

然王伯厚漢藝文志攷證云子思子二十三篇沈約謂禮記

中庸表記坊記緇衣皆取子思子也然則逸詩之在緇衣者

李注以爲子思子所作亦有由矣

何敬祖贈張華

暮春忽復來

注

論語曰暮春者

釋文算本亦作暮論衡明雩

篇祭義篇後漢書儀祀志注並引作暮

西瞻廣武廬

注

臧榮緒晉書曰吳滅封張華廣武侯

何曰廣

武壯武地名互異張氏雲璈曰今晉書作壯武故庾子山傷心賦云張壯武之心疾是也按晉書華本傳云吳滅進封廣武縣侯又云久之論前後忠勲進封壯武郡公又太安二年詔曰故司空壯武公華竭其忠貞思翼朝政以伐吳之勲受爵於先帝後封既非國體又不宜以小功踰前大賞其復華侍中中書監司空公廣武侯然則茂先之稱廣武宜也

陸士衡贈馮文麗遷斥邱令

注

斥邱縣在魏郡東八十里

張氏雲璈曰按水經注洹水又

北經斥邱縣故城西縣南角有斥邱蓋因邱以氏縣汪氏師韓曰今直隸廣平府成安縣是也

哲問允迪 六臣本問作門

注後漢班固議曰以漢興已來後漢下當有書字曰下以字衍各本皆誤此引班固傳也

借曰未洽 五臣曰作日洽作給翰注借日假日也給猶足也言王事無暇常假日而遊尙未爲足

否泰苟殊 六臣本苟作有

非子之念 六臣本校云非善作悲非也作悲不可通

答賈長淵

賈長淵以散騎常侍東宮積年 六臣本賈上有魯公二字東上重侍字

答之云爾 六臣本無云爾二字

注以綱爲喻也 綱當作網各本皆誤

大辰匿暉金虎習質 五臣大作火習作曜濟注可證姜氏臬  
曰晉書志心三星天王正位也中星曰明堂天子位爲大辰  
是已此詩所云匿暉者當如後漢志所載靈帝中平六年八  
月丙寅太白犯心前星戊辰犯心中大星之事

注

丁德禮寡婦賦曰 禮下脫妻字潘安仁寡婦賦注可證丁

儀字正禮疑一字德禮本書奏彈王源注引丁德禮勵志賦  
蓋亦儀作姜氏臬曰藝文類聚三十四載魏丁虞妻寡婦賦  
一首與本書寡婦賦注引丁儀妻寡婦賦句往往相同續古  
文苑曾辨之然究不知是儀是虞也儀字正禮廩字敬禮史  
有明文而此作德禮蓋難定何人矣寡婦者阮元瑜之妻見  
魏文帝寡婦賦序王仲宣集亦有是賦疑皆當時同作也

注

以創天下 段校創下添制字

黃祚告戮

五臣祚作祖銑注可證

注

舜讓避丹朱

又

胡覲獄訟者

又

舜曰天也

本書劉越石勸

進表注引孟子與此同書舜典正義引亦作舜避丹朱於南

河之南史記五帝紀晉書段灼傳皆作舜曰天也亦與此合

訟獄作獄訟隨正文也

注

夫而後歸中國

今孟子而作然

魯公戾止衣服委蛇

注

毛詩曰魯侯戾止爾雅曰戾至也周禮

曰三公自裘冕而下毛詩曰退食自公委蛇委蛇

此詩二句

注三十四字在思媚皇儲句上尤本元槧本同毛本脫

服舛義稠

五臣舛作殊濟注可證

注

論語樊遲問孝子曰無違

此誤孟懿子爲樊遲與禮記禮

運正義引此誤爲孟武伯正同



如玉之闌闌當作闌注同李引王逸注及音可證五臣作如

玉如蘭翰注如玉之美如蘭之芳

注賈戒之以木而陸自勗以金也胡公攷異曰六臣本賈作

潘是也謂安仁所作耳何曰金以勗賈也李注微違本義

狂狷厲聖六臣本狂狷作狷狂

注說文曰厲石也今說文厲旱石也玉篇厲磨石也

注晉克曰何校晉改里陳同各本皆誤

於承明作與士龍

揮袂萬始亭案亭當卽指承明亭而言然承明永安爲何地

未詳

俯仰悲林薄林當作外六臣本校云林善作外是也言悲自

外而來迫也五臣乃作林薄向注可證

贈尙書郎顧彥先

望舒離金虎 西溪叢語云金虎二字所用不同張平子東京賦云始於宮鄰卒於金虎五臣注云幽厲小人與君子爲鄰堅若金惡若虎此卒以亡何敬祖詩云里館離金虎五臣注云望舒月御也西方金也西方七宿畢昴之屬俱白虎也河圖云亡金虎喻秦居也陸士衡詩云大辰匿耀金虎習贊甘石星經云昴乃西方白虎之宿太白金之精太白入火昴金虎相薄主有兵亂按本書何敬祖詩無此句陸士衡此詩又不作里館當是傳寫有謬也

注楚辭曰屏翳起雨王逸曰屏翳雨師名也 六臣本上屏翳作莽號是也此天問文王逸曰下有莽字亦是也尤本誤刪蕭牆隔且深又黃潦浸階除 六臣本隔作阻黃作潢

注說文曰潦雨水也又曰除殿階也今說文作潦雨水大貌  
階作陛按詩采蘋正義引說文亦作潦雨水也

贈顧交趾公真

注交州刺史顧秘字公真 姜氏舉曰漢地理志交趾郡武帝

元鼎六年開屬交州晉地理志建安八年張津爲交州牧蜀  
以李恢爲建寧太守遡領交州刺史晉平蜀以蜀建寧太守  
霍弋遡領交州刺史其交趾郡自有太守晉安帝紀隆安三  
年范達寇交趾太守杜瑗討破之是也此詩題顧交趾而注  
云交州刺史或先爲交趾太守而後領交州耳

注子盍亦遠續禹功 六臣本無禹字是也胡公攷異曰此見

左傳釋文善引自如此尤添禹字耳

贈從兄車騎

髣髴谷水陽 太平寰宇記九十五華亭縣二陸宅吳地記宅  
在長谷各在吳縣東北二百里周回二十餘里名華亭谷水  
下通松江 大清一統志云谷水有二婁縣南之谷水乃西  
湖之異名崑山西之谷水則長泖之異名而華亭谷蓋因陸  
氏封邑而言又谷水之異名也舊以兩谷水混而爲一又析  
華亭谷與谷水爲二故多異名

蜿蜒崑山陰 大清一統志云崑山在婁縣西北寰宇記華亭  
谷東二十里有崑山陸遜父祖墓在焉輿地紀勝崑山在華  
亭縣西北二十三里長谷之東機雲兄弟皆有辭學人以爲  
玉出崑岡故名府志山形圓秀而潤旁無附麗望之如覆盎  
然梁置崑山縣在此山之北後遷縣治于馬鞍山下俗遂指  
馬鞍爲崑山而以此爲小崑山

營魄 劉氏履曰營猶熒熒也人之陰靈爲魄其聚若有光景

故謂之營魄

注謂魂魄經護其形氣 毛本謂誤作爲又脫魂字

注日號泣於昊天 此引孟子不當有日字當因大禹謨而誤

毛詩小弁傳亦云舜之怨慕日號泣于昊天

言樹背與衿 詩衛風毛傳背北堂也疏背者嚮北之義故知

北堂士昏禮婦洗在北堂有司徹主婦北堂注皆云房半以北爲北堂余曰謝氏詩源堂北曰背堂南曰衿樹背與衿言前後皆樹庶幾其忘憂也

答張士然

注敬祭明祀 陳校改敬恭明神按祀字不必改詩雲漢敬恭

明神釋文云明祀本或作明神漢西嶽華山碑云敬恭明祀

以奉皇靈卽本詩語說詳東京賦

注晉宮閣銘曰銘當作名各本皆誤

爲顧彥先贈婦

注集云爲全彥先作今云顧彥先誤也且此上篇贈婦下篇答而俱云贈婦又誤也按陸士龍亦有此作而二陸又別有贈

顧彥先詩則顧字似不誤又按玉臺新詠載士龍此詩題贈婦下有往反二字度士衡此題亦必爾當由傳寫誤脫耳

修身悼憂苦玉臺新詠修作循循身蓋卽撫躬之謂

翻飛浙江汜六臣本浙作游玉臺新詠亦作游李注引江有

汜而不注浙江是江汜連文非浙江連文也

願保金石軀玉臺新詠軀作志

注以解長飢渴飢渴當作渴飢此古文苑所載李陵錄別詩

之第四首叶上句枝字爲韻

贈馮文罷

馮文罷 毛本罷誤作熊

苟無凌風翻徘徊守故林

注

莊子曰鵲巢于高榆之叢巢折凌

風而起

六臣本校云善無此二句注十六字六臣本亦無有

向注故林太子宫言尙爲洗馬十字胡公攷異曰此尤校添

或其所見有正文二句及此注也故林謂吳此必作于出補

吳王郎中令時故云爾潘安仁爲賈謐作贈詩旋反桑梓帝

弟作弼或云國宦清塗攸失亦卽此意有者是矣向注誤

注雖則同域 毛本同域作固城段校已改

注其價兼倍于惡金也 毛本惡金也作常者二字誤

贈弟士龍

注我心憂傷 毛本憂誤作悠

子爲東時岳 六臣本時作峙

潘安仁爲賈謐作贈陸機

注易曰天地烟熅 今易作細縕釋文綱本又作氤縕本又作

氤說文作壹壹用孟氏易也李氏集解引虞氏易同張氏有

復古篇云壹从壹吉壹从壹凶吉凶在壺中不得渫也

神農更王 毛本王誤作黃

注得百里之國萬區 又得其姓者 里尤本誤作姓得其當作

其得各本皆倒

漢祖膺圖 五臣膺圖作應符良注可證

注沮授謂袁紹曰 毛本沮誤作祖

撫翼宰庭 注宰或爲紫非也 何曰紫字是楊賈讐敵岳必不



敢代謚爲詩頌及之下廊廟維清卽指誅駁事

注必得天下英俊 注六臣本得作於是也尤本誤作之

注謂爲吳王郎中令也 晉書陸機傳吳王晏出鎮淮南以機

爲郎中令

或云國宦 六臣本宦作官

吾子洗然 洗依注當作洒銑注乃作洗耳

自成離羣 六臣本尤本成並作我

莫匪安恒 六臣本校云安善作宣胡公攷異曰作宣不可通

當是傳寫誤也

潘正叔贈陸機出爲吳王郎中令

注是史也 何校史上添良字陳同各本皆脫

乃儀儲宮 五臣乃作羽向注可證案五臣非也乃漸上京謂

入洛也乃儀儲宮謂爲太子洗馬也兩句各指一事故用兩  
乃字五臣改去下乃是誤并上下爲一事失之遽矣

注周易曰鴻漸于陸其羽可以爲儀吉 今易以作用後謝宣  
遠于安城答靈運詩注亦作以

注毛詩曰漢之廣矣泳之游之 今詩漢之廣矣不可泳思此

因正文泳之字誤合卍風泳之游之爲連文

注說文曰瑤玉美者 今說文瑤玉之美者然詩木瓜音義引  
說文作美石本書吳都劉注瑤琨皆美石九歌注瑤石之次  
王者說文又次在石美類則玉似誤

注茲恭敬 何校改茲益恭各本皆誤

注說文曰晷景也 本書張茂先雜詩注謝惠連擣衣注引同

今說文晷曰景也

贈河陽

河陽 向注潘岳爲河陽令是尼從父故不言名

密生化單父 六臣本密作處是也顏氏家訓書證篇云張揖云處今伏羲氏也蓋康漢書古文注亦云處今伏而皇甫謐云伏羲或謂之宓羲案諸經史緯侯遂無宓羲之號處字從虎音呼宓字從山音餘下俱爲必末世傳寫遂誤以處爲宓而帝王世紀因誤更立名耳孔子弟子處子賤卽處羲之後倍字亦爲宓或復加山今兗州永昌郡城東門有子賤碑漢世所立乃云濟南伏生卽子賤之後是知處之與伏古來通字誤以爲宓較可知矣按此知處宓密之通用古來已久史籍中如宓羲宓妃及宓賤宓子宓不齊密不齊密子之類不可勝舉並當從處字此密生亦其一也

注人果共立爲邑起冢 陳校立字衍按漢書循吏傳其上有

然字無立字各本皆衍

既立宰三河 六臣本宰作寄

注孟子曰有天爵有人爵 又終亦亡矣 本書辨命論注安陸

昭王碑注引同藝文類聚封爵部引亦無者字又馬總意林

錄孟子末句亦作終亦亡矣

贈侍御史王元貺

注郭璞方言注曰尺蠖又呼爲步屈也 今方言尺作蚺爾雅

亦作蚺蠖郭云今蚺蠖方言蠚蠚謂之蚺蠖郭云又呼步屈

濟治由賢能 此能字協韻當讀奴來反賓之初筵詩各奏爾

能釋文能如字徐奴代反又奴來反

卷二十五 傅長虞贈何劭王濟

雖願其繼絕 段校其作共

注毛詩傳曰 何校去傳字陳同各本皆衍

且有象艱 六臣本家艱下有心存目替四字校云善無此句

注尙書曰歷試諸難 何校書下添序字

二離揚清暉 注臣瓚曰長離靈鳥也二離日月也 古今甦云

二離善注兩解然揣詩意靈鳥爲得琅嬛記南方有比翼鳳

飛止飲啄不相分離雄曰野君雌曰觀諱總名曰長離本二

鳥二故曰二離案二離日月句非李注二離與上雙鸞一例

觀李注鸞離喻王何也本無兩解古今甦所引琅嬛記亦非

李意與上鸞迴非一例近孫氏志祖謂旣以二離爲日月則

漢書注便可不引亦誤信二離日月也之解而致顛倒耳

何爲空守堦 六臣本空守作守空

述將與君遊 濟注咸時出爲冀州刺史

郭泰機答傅咸

答傅咸 何曰詩乃贈傅非答按此答字不誤說詳下

注傅咸贈詩曰 按此贈字當作答題注引傅咸集云云當是郭先投傅傳戲答郭而郭重報此詩也

陸士龍爲顧彥先贈婦

注集亦云爲顧彥先然此二篇並是婦答而云贈婦誤也 顧當作全見前士衡此題詩注亦者謂與彼同 玉臺新詠載士龍此詩本四首昭明但錄二四兩首題中亦脫往返二字 永路隔萬里 又雅步擢纖腰又佳麗良可美 玉臺新詠路隔作隔路擢作嬀美作羨

總章繞清彈 何曰後漢書獻帝紀總章始復備八佾舞注總

章樂官名古之安世樂是女伎兼領于總章耳

雙袂如霧散

玉臺新詠霧作霞

注

徘徊相伴暫若電伐

陳曰伴當改伴相伴見楚辭伐當改

滅是也各本皆誤

注

陸雲代彥先贈婦詩曰何用綰中欸仰指北辰星

此卽玉

臺新詠所載李注引此以證此詩正答其意也

時暮復何言

玉臺新詠下三字作勿復言

答兄機

銜恩戀行適

五臣恩作思翰注可證

注

故云南北以報之楚辭曰江河廣而無梁

毛本脫此十六

字而衍酸者至通義二十四字按毛本此詩注中雜有向曰

濟曰及下篇翰曰銑曰向曰濟曰六條皆以五臣注誤入

答張士然

注曹植出門行 胡公攷異曰出上當有亟字各本皆脫後八

公山詩注引可證

通波激枉渚 何曰翰注枉渚曲渚也李引楚辭恐非

注謝承後漢書黃琬拜豫州刺史威邁百城 姜氏皋曰姚氏

之駟輯後漢書補逸謝書內此條未錄其范書本傳云爲豫

州牧時寇賊陸梁州境彫殘琬討擊平之威聲大震是也而

惠氏棟作後漢書補注亦未採謝書

慙念桑梓城 六臣本城作域是也尤本亦誤作城

劉越石答盧誡

詩一首並書注四言 毛本無詩一首三字書誤作序四誤作

五野客叢書云琨集先是盧子諒謹牋詣劉司空並贈司空



詩然後司空答子諒詩云云今先載答而後載贈失其序矣

注王隱晉書

至

匹碑所害也

此九十三字注毛本未載

琨頓首

六臣本重頓首二字

注張平子書

至通義

此三十字注毛本誤脫而錯載于上答

兄機詩注中

慨然以悲歎然以喜

六臣本悲作喜無歎然以喜四字

近嘉阮生之放曠

六臣本嘉作喜

國破家亡

六臣本作家國破亡

塊然獨坐則哀憤兩集

六臣本校云此二句善置在負杖行

吟下

注說文曰以銅盆受水分時晝夜百刻

今說文漏字註云以

銅受水刻節晝夜百刻

當與天下共之又長鳴于良樂又百里奚愚于虞 六臣本當

上有固字無長字愚上有非字

久廢則無次良注琨自言文章久廢無次序也或連下想字

爲句非也李本與六臣本同于次字分節

注適祗適也 陳校去上適字是也各本皆衍

厄運初遘注毛萇詩傳曰遘成也 遘當作搆注同乃引小雅

四月傳文也六臣本注不誤五臣作遘銑注遇也

注言劉聰之搆逆也 林先生曰前趙錄劉聰僭卽位于平陽

遣從弟曜攻晉破洛陽遣子粲攻長安陷之

痛心在目 六臣本心在作在心

注善馬香草 何校馬改鳥是也各本皆誤

注韞櫝而藏諸 論語櫝作匱釋文云匱本又作櫝本書吳都

賦頌延年直東宮詩陳孔璋答東阿王箋逸民傳論各注皆引作櫝後漢書張衡傳且韞櫝以待價崔駰傳韞櫝六經注亦引論語韞櫝而藏諸

注杜預左氏傳曰陳校傳下添注字

嫵婉新婚注未詳張氏鳳翼文選纂注曰詵妹嫁琨弟故曰

新婚子諒贈詩亦曰申以婚姻是也說本向注詵贈劉詩俟考六臣本此下有不慮其敗唯義是敦二句校云善無此二句按每章皆十二句有者是也此傳寫偶脫耳

二族偕覆三孽並根注三孽謂琨之兄子也又一日謂劉聰劉

曜劉粲也向注三孽謂劉聰劉曜劉粲等作亂同是一宗故

知並根也孫氏志祖曰三孽注當引詩苞有三孽一說謂三劉者得之汪氏師韓曰此詩下云長慙舊孤永負冤魂注舊

孤謂三孽冤魂謂二族又引王隱晉書云云則李氏固不以三孽爲三劉矣

注張晏漢書曰何校書下添注字

注倚篠異幹何校倚改奇是也各本皆誤

注說文曰豐滿也今說文豐豆之豐滿者也

逝將去乎庭虛情滿六臣本乎作矣情作憤按李注引白虎

通哀痛憤滿良注憤怨之情滿于虛庭似應作憤然下句虛

滿伊何以文理衡之乃當作情字

虛滿伊何蘭桂移植六臣本校云善無此二句非也蓋亦傳

寫偶脫下光光段生出幽遷喬二句同

永戢東羽翰撫西翼翰注東謂幽州撫舉也言高舉去并州

注夫招大夫以旌陳校去上夫字各本皆衍按註作夫招大

夫以旂不作旌惟尤本作旌故胡公攷異云旂卽旌字

注說文曰鑣馬勒傍鐵也 今說文鑣馬銜也

重贈盧諶

注索無奇畧 何校索上添諶字是也各本皆脫

握中有懸璧本自荆山璆又昔在潯濱叟 晉書劉琨傳握作

璆璆作球在作是五臣懸作元向注可證

注史編爲卜又非龍非鵬非罷非熊非得公侯 漢書古今人

表史編作史扁本書非有先王論注引亦作扁惟運命論注

引作編與此同又非有先生論注運命論注並引作非熊非

熊非虎非狼與此互異胡公攷異曰非得公侯當作兆得公

侯各本皆誤

白登幸曲逆鴻門賴留侯 晉書琨爲匹磾所拘自知必死神

色怡如也爲五言詩贈其別駕盧謐云云琨詩托意非常攄暢幽憤達想張陳感鴻門白登之事用以激謐謐素無奇畧以常詞酬和殊乖琨心

注已見謝惠連張子房詩何校惠連改宣遠是也

重耳任五賢小白相射鈞晉書任作憑何曰此志在興復晉祚謀達其意于段匹磾使顧念前好同獎王室我終不以被幽爲恨故以射鈞爲比

苟能隆二伯晉書作能隆二伯主

宣尼悲獲麟西狩涕孔邱晉書涕作泣上句或本作春秋紀獲麟益嫌與下句複而改之漢書平帝紀元始元年追諡孔子爲褒成宣尼公

注孰謂來哉孰謂來哉今公羊傳兩謂字均作爲

功業未及建 野客叢書云文選載劉琨盧諶贈答止一二首  
琨集載詩往返四首琨贈諶曰功業未及建夕陽忽西流朱  
實隕勁風繁英落素秋何意百鍊剛化爲繞指柔集有諶答  
曰誰言日向暮桑榆猶啟晨誰言繁英實振藻耀芳春百鍊  
或致屈繞指所以伸皆答其意

去乎若雲浮

晉書乎作矣若作如

盧子諒贈劉琨

注五行用事之運 案運下當有會字各本皆脫

注宋伯謂晉侯曰 何校宋伯改伯宗是也各本皆誤

靡軀不悔

注

說文曰靡爛也靡與糜古字通

六臣本靡作糜

按字當作糜說文火部糜爛也从火靡聲其米部糜非部靡

訓俱別

謂之可廢

五臣廢作度良注可謂不失法度

收跡府朝

翰注琨爲司空三公有府朝也

觸物眷戀

五臣眷戀作增眷良注可證

注左氏傳申之以婚姻

今傳作申之以盟誓重之以婚姻

注吉日兮良辰

案良辰當作辰良各本皆倒

注老聃謂崔瞿曰

瞿當作曜見釋文六臣本尤本並誤作曜

注楚子和氏

胡公攷異曰子當作人各本皆誤

良謨莫成

尤本謨作謀恐誤

注逢此百離

又離一作罹

今詩作罹釋文本又作離

便是節士

注故尤而使之

六臣本卽作狹是也

注慎子曰

毛本慎誤作鄭

趣舍罔要

六臣本罔作同



注 建志也道德于此 陳曰志也當改作樂見幽通賦是也各

本皆誤何校德改得陳同亦是也

每憑山海庶觀高深 何曰言已往依段氏志在獲雪仇恥如  
土壤細流憑山海以成高深用以少謝存沒也

肝膽楚越 注謂琨被謗也 又衆人謂琨詩懷帝王大志 何曰

楚越之語當時必有以譏之去而議之者故下文言惟大觀  
如越石乃能信其不二耳若謂越石被謗則是時方與段匹  
碑同盟未有他釁何故以楚越爲言至帝王大志之語唐時  
所修晉書紀載甚明亦不得截取成書以牽合被謗也

萬殊一轍 六臣本殊作塗

注 張衡元圖曰 後漢書張衡傳云懸圖章懷注衡集作元圖  
蓋元與懸通今張溥所編衡集無此文

注夫差以甲兵五千人 何校夫差改勾踐陳同是也

贈崔溫

徒煩非子御 尤本非作飛六臣本校云善作飛按注非飛古  
字通知李正文當作飛也路史後紀非又作靡

注公宮之長 何校公宮改六官陳同是也各本皆誤

答魏子悌

俱涉晉昌艱 何曰越石晉陽之敗父母爲令狐泥所害謹父  
母兄弟亦爲劉聰所害又曰晉書地理志惠帝改新興郡爲  
晉昌統九原定襄雲中廣牧晉昌五縣在并州所統一國五  
郡之中注以爲燉煌之晉昌恐誤

其更飛狐厄 晉書劉琨傳云石勒攻樂平太守韓據請救琨  
悉發其衆命箕澹爲前驅勒先據險要設伏以擊一軍皆沒

并土震駭尋又炎旱琨窮蹙不能復守段匹磾敗遣信要琨欲興王室琨繇是率衆赴之從飛狐入薊

注段匹磾爲此職

按此注別無所據晉雖設晉昌護匈奴中

郎將實與段匹磾無涉注旣以晉昌爲燉煌所分則遠在隴右而匹磾爲幽州刺史又何從遙領此職乎

注惕惕猶切切也

陳曰切切當改忉忉是也此引詩防有鵲

巢二章傳文各本皆誤

謝宣遠答靈運

注高軒以臨山

高上當有開字各本皆脫

懷勞奏所成

五臣成作誠翰注謂思劬勞書其懇誠也

注

伊余懷之慢愚兮

懷當作志尤本不誤惟慢上衍懷字愚

下脫兮字耳

於安城答靈運

安城

注

作守安城

何校城改成注同各本皆誤

雲臺與年峻

五臣雲作靈翰注靈臺喻德也

嚶嚶悅同響

六臣本嚶嚶作嚶鳴與上華萼爲偶句是也此

當是傳寫偶誤耳後酬從弟惠連詩鳴嚶已悅豫亦當從六

臣本作嚶鳴

注

萼不韓韓

今詩作鄂不韓韓說文作萼不韓韓也黃氏生

義府引吳越春秋證鄂不卽鄂跗也

注

孔安國論語曰

孔安國三字衍

符守江南曲

五臣江南作南江濟注可證

注

陸機贈馮文熊詩曰

熊當作羆各本皆誤

注

翻飛惟鳥

今詩翻作拊本書謝宣遠作張子房詩翻飛指

帝鄉注引薛君韓詩章句然則此引韓詩矣

注靈運爲秘書監

又

京畿千里

何曰靈運爲秘書監在元嘉

中義熙乃秘書丞也陳司京畿當作邦畿正文封字卽邦字

也各本皆誤

卽理理已對

六臣本已作亦

注雖以一足行爲六臣本無爲字是也

謝惠連西陵遇風獻康樂

西陵

兼明書云良注以西陵爲所居之西陵非也此浙江東

之西陵驛名也以詩昨發浦陽泐今宿浙江湄知之余曰水

經注浙江又逕固陵城北今之西陵也會稽志西陵城在蕭

山縣西十二里吳越改曰西興

注沈約宋書曰靈運襲封康樂侯

張氏雲璈曰案南史本傳

初襲封康樂公宋受命始降爲侯

注阿谷之隊隱也 陳曰隱下脫山之汜三字見前謝惠連泛

湖詩注是也各本皆脫

注焉得萱艸 胡公攷異曰萱當作謹觀下注可見

謝靈運還舊園作見顏范二中書

辭滿豈多秩

注

漢書張良曰 姜氏宸英湛園札記云張長公

仕不過五百石故曰辭滿豈多秩豈張良乎按張長公名摯

張釋之子

注陸機弔魏文帝柳賦曰 何校魏下添武帝文曰庶聖靈之

響像魏十一字陳同是也各本皆脫

注說文曰躓跌也 今說文躓踰也

注太祖登祚徐羨之等 何校徐上添誅字各本皆脫

注夫惟道善貸且成 六臣本此上有老子曰三字是也

質弱易版纏 六臣本版作板何校改板是也注同

注司馬彪曰生 六臣本生上有衛字是也

登臨海嶠初發疆中作與從弟惠連見羊何共和之

羊何 宋書謝靈運傳與族弟惠連東海何長瑜潁川荀雍太

山羊璿之謂四友惠連父方明爲會稽郡靈運嘗自始甯至

會稽時長瑜教惠連讀書在郡內靈運以爲絕倫謂方明曰

何長瑜當今仲宣而給以下客之食尊旣不能禮賢宜以長

瑜還靈運載之而去長瑜文才之美亞於惠連璿之不及也

注文章常會 何校常改賞陳同各本皆誤

注說文曰痛疲也 今說文無痛字有侑字訓忿也

含酸越脩軫 注軫當爲眡 六臣本正文軫作眡注無四字案

此尤本改之非也

注文字集畧曰汀水際平也也當作地韻會舉要有此訓後

和謝靈運詩注亦引作也而又脫平字

注攢聚之也六臣本無之字陳曰之字衍是也

酬從弟惠連

注老子曰六臣本老字作孝無子曰是也

末路偲令弟龔氏頤正續釋常談云令弟二字始此然注中

尙引古詩也

注莊子善養曰養當作卷此讓王篇文各本皆誤

悟對無厭歇說文繫傳晤字注引此詩作晤對無厭倦按前

謝惠連泛湖歸出樓中翫月詩晤言不知罷句引毛詩鄭箋

之晤云晤與晤通此晤對句無注互見也後謝靈運永初三



年  
初發都詩永絕賞心悟句但引箋之晤亦互見也是李本  
用悟字無疑矣至五臣而改用晤字泛湖歸詩作晤向日晤  
對也初發都詩作晤校云五臣作晤皆其明證此卷因無注  
失改何校云悟疑作晤自五臣言之乃未爲非若欲并改李  
本則互見之處不可通繫傳所引卽五臣也

注廣雅曰務遠也今廣雅釋詁遠也上無務字

文選旁證卷第二十三

長樂梁章鉅撰

卷二十六 顏延年贈王太常

注其狀如鶴 今本山海經南山經鶴作鵠本書東京賦注作

其狀如鵠也鵠鶴字通

愿聽豈多工 又敷言遠朝列 五臣工作士列作烈銑注可證

注爾雅曰列業也 爾當作小業當作次各本皆誤

芳風被鄉壘 何曰顏王俱瑯琊臨沂人故云鄉壘

夏夜呈從兄散騎車長沙

炎天方埃鬱 何曰埃當作煥廣韻煥熱甚

直東宮答鄭尚書

皇居體寰 六臣本寰作環是也此尤本誤

跼蹐清防密 良注清防謂屏風也

注金佇誰與言 段校佇改仰

注求善價而沽諸 本書逸民傳論注引論語亦作價後漢書

張衡傳注崔駰傳注及玉篇引並作價

言樹絲與桐 古今註云桐可言樹絲亦可言樹乎

注何異絲桐之間哉 陳校異改與各本皆誤

和謝監靈運

雖慙丹腹施未謂元素睽 古今註云丹腹五臣注以爲榮祿

善注以爲君恩皆非丹腹所以爲國家之光華也顏意謂雖

非文章可以華國亦未至始素終元如絲之改色也

惜無爵雉化 六臣本爵作雀

興玩究辭棲 六臣本校云玩善作賦非也李注玩愛也本有

明文尤本誤作賦樓五臣作懷濟注切也如作樓韻複

注說文曰興悅也胡公攷異曰說文興悅也在女部此當引

作興而注興與興同

王僧達答顏延年

注爲始興王行府參軍何校府改軍尤本不誤

注侵謂之侵胡公攷異曰上侵字當作故各本皆誤

誦以永周旋五臣永作詠銑注可證

謝元暉郡內高齋閑坐答呂法曹

呂法曹向注呂僧珍齊王法曹也

注魏武帝善哉行陳校善哉改短歌是也各本皆誤

見就玉山岑六臣本玉作此毛本見就作就見誤

在郡臥病呈沈尚書

注浮蟻在上洗洗然 洗洗當作泛泛各本皆誤

注可以勝殘去殺矣 今論語句首有亦字漢書刑法志後漢

書郎顗傳注舊唐書盧懷慎傳引並無亦字

撫机令自嗤 五臣机作枕良注可證按宋本謝宣城集亦作  
枕然李注引陸機赴洛詩撫机爲釋本書赴洛道中詩此句  
机作几蓋几机同也似五臣不可從

注論語曰子游爲武城宰聞絃歌之聲 本書古詩十九首注  
引同此七經孟子考文云古本作子游之武城

暫使下都夜發新林至京邑贈西府同僚

下都 劉氏履曰下都疑當作還都按銑注朓爲隨王文學帝  
徵朓還都道中爲詩寄西府同僚

西府 張氏雲璈曰六朝事迹宮殿門云東府宰相之所居也

西州諸王之所宅也西府疑卽因西州而名又南史宋諸子傳始興王浚在西州府則所謂西府者正指西州之府也時子隆雖在荊州非西州之地蓋以爲諸王之通稱耳

引顧見京室 六臣本顧作領

驅車鼎門外思見昭邱陽 銑注鼎門丹陽郡門也荊州有楚

昭王冢言我驅車至都門外乃思見荊州

注登樓賦曰所謂西接昭邱也 六臣本無西接二字陳校去

曰字是也各本皆衍

風雲有鳥路 五臣雲作煙濟注可證宋本謝集亦作煙

酬王晉安

注王隱晉書曰晉安郡太康三年置卽今之泉州也 畢氏沅

曰寰宇記謂東晉南渡衣冠士族多萃其地以求安堵因立

晉安郡今考沈志及晉地理志皆云晉武帝太康三年分建安立晉安郡則樂史蓋誤按卽今之泉州也六字是李注舊唐書地理志貞觀初置泉州是也

拂霧朝青閣 毛本青誤作清

注說文曰盱日晚也 今說文無日字繫傳有之

陸韓卿奉答內兄希叔

注後至行軍參軍 又選太子太傅功曹掾 何校後上添遷字

去至字行軍二字乙轉選改遷皆是也

嘉惠承帝子 颺履奉王孫 注王孫謂太傅王晏也 何曰帝子

王孫皆指竟陵王也下文點銅龍乃言遷官平津孟嘗始指

王晏注非是

寂蔑終始斯 五臣始作如銑注可證是也此恐傳寫誤

庶子及家臣 何校臣改丞陳同是也五臣作臣良注謂盼爲

邵陵王常侍也

注尙書曰峻民用康 今尙書康作章本書陸士衡長安有俠

邪行注引作俊民用康疑皆有誤惟雜體陸平原詩注引俊民用章與今本同

華屋富徐陳 六臣本當作當

平旦上林苑 六臣本校云五臣旦作明詳注疑李亦當作明

注致足樂之 何校之改也陳同各本皆誤

相如應溫麗 注西京雜記曰 何曰西京雜記梁時書不當引

以注齊詩豈謂溫麗無他攷耶按前張茂先答何劭詩發篇

雖溫麗注引漢書司馬相如作賦甚宏麗溫雅是也

范彥龍贈張徐州稷



張徐州稷 六臣本稷作謾

注投來修岸垂 陳校來改來各本皆誤

注疵痛也 陳校痛改病各本皆誤

懷情徒草草 五臣草草作惓惓良注可證

注齊以荊州爲北徐州也 陳校去荊州二字是也謂卽鍾離

之徐州而加北字耳各本皆衍

古意贈王中書

沂水富英奇 五臣沂作淮良注可證

注漢紀曰秦遷於瑯琊之舉虞 胡公攷異曰曰當作由以十

一字爲句王文憲集序其先自秦至宋注引瑯琊王氏錄云

其先出自周王子晉秦有王翦王離云云卽所云由秦遷也

漢紀漢世也集序離翦之止殺吉駿之誠感注引漢書王吉

瑯琊人卽所云漢遷瑯琊也瑯邪王氏錄者何法盛晉書中之篇目此注所引晉書未稱何家疑亦琅瑯王氏錄文與集序注所引本相承接各本皆誤讀者鮮察特訂正之

竹花何莫莫 齊民要術晉起居注惠帝二年巴西郡竹生紫色花結實如麥皮青中米白味甜西陽雜俎竹花曰獲一曰覆

贈郭桐廬出溪口見候余旣未至郭仍進村維舟久之郭生方至

注 坻岸也坻或爲渚 姜氏臯曰坻與渚古無通者說文坻小渚也詩曰宛在水中坻从土坻聲汎坻或从水从久渚坻或从水从耆集韻亦云坻或作渚疑渚是渚字傳寫之譌

潘安仁河陽縣作

再升上宰朝

翰注自以病不才爲上宰府掾再謂楊駿賈充

俱辟爲掾

違陪廁王寮

六臣本校云違善作連非也良注遠離陪侍列

天子之外寮胡公攷異曰違去也去陪臣而廁王寮也

令名患不劭

學林云前漢成帝紀先帝劭農蘇林注云劭音

翹精異之意也五臣注云劭平協韻是將讀爲韶矣蓋未嘗

知有翹音也

注

浩蕩或爲濟蕩音西

此不可解必有訛衍

頰如槁石火

五臣頰作歛槁作敵良注可證

注

鑿石見火能幾時

毛本鑿石作昨曰誤也

注

說文曰瞥見也

今說文瞥財見也按本書思元賦舊注瞥

裁見也裁財古字通卽用說文語也

注人無得而稱焉 尤本得作德皇侃義疏本作得本書求立

大宰碑表及運命論注俱引作得惟西征賦注引作德

害盈由矜驕 尤本由誤作猶

注毛萇詩曰 六臣本無詩字是也段校詩下添傳字

歸雁映蘭時 六臣本時作詩是也陳曰時當作詩見前謝叔

源遊西池詩注又此注大渚曰 山下疑脫詩與止同四字亦

見前注胡公攷異曰集韻六止 止詩或從寺又云詩澹或

從時然則必潘詩異本有作澹 石或用澹改詩遂誤爲時耳

注中二止亦當作詩蓋毛詩作 止訓小渚韓詩作詩訓大渚

故善引韓詩及薛君章句以注詩不知者誤改之也

注自今掾吏 陳校吏改史下同各本皆誤

但恐忝所荷 余曰國語補音負荷之荷亦音何

在懷縣作

懷縣 翰注岳自河陽令遷懷令有思京之意劉氏履曰輿地

廣記懷州武陟本漢懷縣卽禹貢覃懷地

初伏啓新節 何曰初學記引初伏作初秋按以上下文及注  
引四民月令觀之作伏者是也

隆暑方赫羲 五臣羲作曦銑注可證

崔寔四民月令 段校民改時未知何據隋書志作四人月

令者當是避唐諱

注毛詩曰迄至也 六臣本詩作寔是也

春秋代遷逝 六臣本此下四句提行起連第二首爲一章

注植根生之屬也 陳校植下添物字各本皆脫

卷然顧顰洛 六臣本卷作眷是也陳曰據注亦作眷爲是

恪居處職司 張氏雲璈曰據此則司字用仄不自白香山始

矣漢書敘傳固於二司顏注司合韻音先寺反

注公鉏曰敬恭朝夕 曰字不當有各本皆衍陳校改然之二  
字亦非李注多節引耳

潘正叔迎大駕

注而帷蓋卽同也 尤本蓋上脫帷字

道逢深識士 劉氏履曰尼當惠帝昏庸諸王搆隙至於劫遷  
車駕國步艱危故託爲路人相勸之詞以寫退休之志

注假爲深識之言也 此七字毛本誤綴上聯注末

注蘇武曰 陳校武改秦各本皆誤

陸士衡赴洛詩

寂漠聲必沈 六臣本漠作寞

感物戀堂室 良注堂謂母室謂妻

注銅輦太子車飾未詳所見 何曰李長吉臺城應教秋衾夢  
銅輦本此案晉書志云畫輪車駕牛以綵漆畫輪故名其上  
形制事事如輦又云皇太子非法駕則乘畫輪車上開四望  
綠油幢朱絲繩絡兩箱裏飾以金錦黃金塗五采也由是觀  
之輦卽爲車似非車飾

慷慨遺安愈 六臣本愈作念按愈當作念注引東京賦可證  
作念者卽念字形近而訛也

承歎廢餐食 六臣本餐作寢

注張叔與任彥堅書曰 陳曰叔當作升升字彥真見范史文  
苑傳是也各本皆誤

赴洛道中作

注維進退準繩

六臣本毛本作進退惟準繩是也

遠遊越山川

毛本誤連上首不提行

顛轡倚嵩巖

五臣嵩作高濟注可證

撫几不能寐

六臣本几作枕

注新序曰老古

毛本序誤作賦段校老古改古老

陸士衡吳王郎中時從梁陳作

輕劍拂盤厲

朱氏琯曰注引禮記男鞶革及都人士詩傳箋

以證固爲有本但盤厲連文實用左氏桓二年傳鞶厲游纓

語而李未之及

陶淵明始作鎮軍參軍經曲阿作

注

宋武帝行鎮軍將軍趙氏曉明曰按本集此題著始作二

字則在爲建武參軍之前矣下篇從都還詩著庚子歲則此



爲隆安三年己亥矣鎮軍雖莫考爲何人然此年劉裕方參劉牢之軍事至元興二年始行鎮軍將軍事題注非也

時來苟宜會

劉氏履曰不求自至謂之冥會作宜非

眇眇孤舟逝

六臣本校云逝善作遊非也但傳寫誤

登降千里餘

六臣本降作陟

辛丑歲七月赴假還江陵夜行塗口

塗口

何云塗口一作塗中塗當爲涂卽滁字也

注

義熙以前則書晉氏年號自永初以來唯云甲子而已何

曰當云自永初以來不書甲子按吳氏師道禮部詩話云陶

詩題甲子者始庚子距丙辰十七年間只九首耳皆晉安帝

時所作中有乙巳歲三月爲建威參軍使都經錢溪作此年

乃爲彭澤令在官八十餘日卽歸後十六年庚申晉禪宋恭

帝元熙二年也甯容未禪宋前二十載輒題甲子以自取異哉蓋偶記一時之事非有意也又宋濂集跋淵明像云詩中甲子始庚子終丙辰凡十有七年皆晉安帝時初不問題隆安義熙之號至其閒居詩有空視時運傾擬古九章有忽值山河改必宋受禪之後乃反不書甲子今按陶集中祭程氏妹文書義熙三年祭從弟敬遠文則云歲在辛亥自祭文則云歲在丁卯在宋元嘉四年辛亥亦在安帝時則所謂一時偶記者得之王氏士正云傳占衡作陶詩甲子辨以入宋以後惟瞢甲子之說起於沈約宋書而李延壽南史五臣文選注皆因之有識如黃庭堅秦觀李燾真德秀亦踵其謬

遙遙至西荆

注

西荊州也

五臣西作南向注可證注中荊字

當重各本皆脫

叩棧新秋月 六臣本新秋月作親月船

注說文曰通白曰晶晶明也 今說文晶顯也从三白讀若皎

不爲好爵榮 何校榮改榮胡公攷異曰以義求之似當是營  
應劭注漢書敘傳不營曰爵祿不能營其志引易不可營以  
祿虞翻本正如此今本漢書引易作榮又隸釋婁壽碑不可  
營以祿新刻亦改榮是後人多知榮少知營故耳

注吾與爾廩之 今易廩作廩釋文云本又作廩  
注衡門茅茨也 上應添衡茅二字

謝靈運永初三年七月十六日之郡初發都

之郡 劉氏履曰此詩雖以之郡而作大概爲與廬陵分異而  
寓其感恩懷舊之情史言徐羨之奏靈運搆扇異同非毀執  
政出之今此詩畧無怨恨非毀之意諂者之言未必皆實

汴  
零露團兮 今毛詩團作溥本書京路夜發注又雜體古離  
別注引皆同又陸士衡樂府詩曰零露團兮然則作團者或  
三家詩或本有團溥古字通而失其注也

注  
上若弗信

又

希買切

段

校上改王希

改布

注  
何不能據以爲大鱗而浮乎

又

一瓠落大貌

六臣本無能

字一字是也毛本而誤作常

永絕賞心悟

毛本永作未誤也靈運酬惠連詩永絕賞心望

可證六臣本悟作晤

### 過始甯墅

始甯墅

劉氏履曰按會稽志東山西一里始甯園乃靈運別

墅一曰西莊此詩因之永嘉過此而作

拙疾相倚薄還得靜者便 六臣本校云五臣無此二句

注初與郡守爲竹使符 尤本脫竹字

富春渚

始果遠遊諾 五臣作翻始果遠諾濟注可證  
注則盡諾以報之 陳校盡改畫各本皆誤

七里瀨

注甘州記曰 胡公攷異曰甘疑當作十後新安江水詩注所  
引其文似相接也餘引此書多譌州爲洲皆不知者改之

既秉上皇心 六臣本心作情

注末世鎖才兮 陳校鎖改瑣各本皆誤

異世可同調 元槩本毛本世均作代

登江中孤嶼

孤嶼 太平寰宇記九十九孤嶼在溫州南四里永嘉江中渚

長三百丈濶七十步嶼有二峯

懷雜道轉迴 五臣雜作新良注懷想新知其道轉遠尋義似作新爲長也

亂流趨正絕 六臣本校云正絕五臣作孤嶼按爾雅正絕流曰亂郭注直橫渡也書曰亂于河尋義作趨孤嶼爲長下句重上字古詩常有疑注引爾雅但釋詩亂字而後人沿注故改重文耳

注真仙人變形也 今說文真僊人變形而登天也

初去郡

廬園當栖巖 注嵇康絕交書曰子房之巖栖 金氏甦曰絕交書云許由之巖栖此作子房因下句子房之佐漢而誤彼注張升反論曰黃綺引身巖棲南岳則此注亦不當以嵇語爲

祖案金氏後說非也李注彼此互見甚多不可駁也

薄遊似邵生 與上達生韻複而義異

促裝返紫荆 五臣促作倣良注始也

注不悞牽朱絲 何校悞改悞陳同

注陸機越洛詩曰 越當作赴各本皆誤

止監流歸停 何校止監作監止

獲我擊壤聲 五臣聲作情翰注可證

### 初發石首城

石首 兼明書引作石頭

注是曰京師 陳曰師當作畿因詩有出宿薄京畿句故旣引

伏記復云爾也各本皆誤

雖抱中孚爻 兼明書云此指九二爻九二處重陰之下履不

矢中立誠篤志雖在開咏物亦應焉故曰鳴鶴在陰其子和之  
之私權利惟德是與故曰我有好爵吾與爾靡之靈運常  
抱此道尙爲孟覲誣奏故下云猶勞貝錦詩而張銑以爲九  
五交何義也

晨裝搏會廳 六臣本校云會善作魯非也作魯但傳寫誤  
注又曰莊子曰搏扶搖而上征颺已見上文 又曰二字征字  
並衍

茗茗萬里帆 五臣茗茗作迢迢向注迢迢遠也

息必廬霍期 劉氏履曰霍山非一處此指廣東循川之臨川  
縣者

游湘歷九疑 五臣疑作疑輸注可證

道路憶山中



追尋棲息時

毛本尋作情

注縱恣而傲誕

上當有縱誕二字各本皆脫

注咸其自取怒者其誰也

毛本取誤以段校也改耶

懷故叵新歡

六臣本懷故作故懷

入彭蠡湖口

入彭蠡湖口

六臣本口下有作字

注

廣雅曰

何校此三字移入下狄雖也上據長楊賦注也

攀崖照石鏡

水經廬江水注云廬山東有石鏡照水之所出

有一圓石懸崖明淨照見人形爰光初散則延曜入石豪細

必察故名石鏡焉

牽葉入松門

太平寰宇記一百六松門山在南昌縣北水路

二百十五里山多松北臨大江山有石鏡光明照人

露物委珍怪 六臣本露作靈按作靈是也靈物與異人爲偶  
句作露但傳寫誤

水碧綴流溫 六臣本綴作輟是也

入華子岡是麻源第三谷

注祿里弟子 段校里下添先生二字六臣本尤本祿字皆同  
惟毛本作用今考作祿者李所引靈運山居原文也作用者  
五臣翰注也毛本旣以五臣改李又用俗字甚誤郭忠恕佩  
觿辨證有一條甚詳其云是以魏子及孔父秘記荀氏漢紀  
者作祿之證也按資暇錄云作用之證也若用字則唐宋所  
無後人往往以改古書詳見江淹雜體詩注

銅陵映碧潤 六臣本潤作潤是也作潤但傳寫誤

注桓子新論曰 陳曰此下應添天下有神人五二曰隱淪十

字見江賦注

險逕無測度

注

爾雅曰山絕險

逕當作陁注險亦當作陁此

釋山文郭注連山中斷絕也各本皆誤

注遊將升雲烟

陳校遊改逝各本皆誤

注仰羽人於丹邱

陳校仰改仍各本皆誤

恒充俄傾用恒當作常注引司馬彪莊子注可證

卷三十七

顏延年北使洛

注中軍行參軍

尤本行下衍軍字

首路踟蹰險難

六臣本難作艱

注蔡邕陳寔命碑曰

陳校去命字各本皆衍

伊穀絕津濟

五臣穀作澗向注可證

注曹植毀故殿令曰秦之滅也則阿房無尺椽

文館詞林載

曹植毀鄆城故殿令曰周之亡也則伊洛無隻椽秦之滅也則阿房無尺椽

飛雪蒼窮天 六臣本雪作雲

注韓詩曰周道威夷 胡公攷異曰游天台山賦琴賦金谷集

詩皆引韓詩作威夷是遲當作夷秋胡詩行路正威遲善兩引毛韓而云其義同此與秋胡俱顏作正文遲字無疑恐善

注既引韓而其下別有遲夷同字之注今失去也

注居世亦然之 陳曰亦然之當作何獨然見魏志曹植傳注

注還至梁城作 振策步崇邱 六臣本毛本策誤作徒

注說文曰局門之也 今說文局外閉之關也

始安郡還 張湘州登巴陵城樓作

注說文曰延長也

今說文延行也

注尙書曰雲土夢作父孔安國曰雲夢之澤在江南

夢溪筆

談云舊尙書雲夢土作父唐太宗時得古本作雲土夢作父  
詔改從古本王氏鳴盛曰按史記漢書並作雲夢土釋孔傳  
亦作雲夢土疑魏晉時改唐太宗時所得殆馬鄭本也又曰  
傳以雲夢爲一非也左傳定四年吳人入郢楚子涉雎濟江  
入于雲中遂奔鄖今德安府治安陸縣是則雲在江北明矣  
又昭三年鄭伯如楚王以田于江南之夢則夢在江南明矣又  
曰經分紀雲夢其時尙未爲澤下逮殷周時代變易陵谷遷  
改漫爲澤藪故周禮職方爾雅釋地遂合稱之

注

囿於有切

六臣本有作目按廣韻一屋囿于六切又于救

切是本有去入兩音也

清氛霽岳陽

注

說文曰霽亦氛字也

六臣本氛作霽按注中

引說文各本不同當以此上霽下氛爲是

注

河上有楓

何校去河字陳同各本皆衍

鮑明遠還都道中作

注

都謂都揚州也

姜氏舉曰宋書揚州魏晉治壽春晉平吳

治建業太平寰宇記元帝渡江揚州常治建業不移景定建

康志亦論六朝揚州恒治建業後始爲廣陵一郡之名

注

蘆洲至樊口二十里伍子胥初所渡處也

水經江水注云

江水右得樊口樊口之北有灣昔孫權與羣臣泛舟江津權

欲西取蘆洲谷利不從乃拔刀急上令取樊口又云武昌記

曰樊口南有大姥廟是蘆洲樊口均在武昌矣注先引宣城

圖經之南陵則相去甚遠且子胥渡江越絕書作蘆碕並非

蘆洲故注又辨之云此蘆洲在下非子胥所渡處也

注 一日不見如三秋 今詩秋字下有兮字

謝元暉之宣城出新林浦向版橋

既懽懷祿情 林先生曰南史謝朓本傳未載守宣城一節惟齊書有之觀昭明所選郡內高齋在郡臥病及出新林浦游敬亭諸篇皆宣城作齊梁代近必無差訛

注 起於蒼州 陳校蒼改滄各本皆誤

注 謝靈運遊南亭詩曰賞心惟良知 陳曰此十三字乃下賞心於此遇注誤入於此

敬亭山

注 賈誼早雲賦 早當作早各本皆誤陸士衡從軍行注引正作早此賦見古文苑

靈異俱然樓 五臣俱作居翰注安也

注陸機歌曰 何校歌改歎陳同各本皆誤

多雨亦震淒 六臣本多作父

注說文曰組綬也 今說文組綬屬本書七啓注亦引作綬屬

注睽乖也 今易序卦傳睽者乖也

注王粲從軍行詩曰 行字不當有各本皆衍

休沐重還道中

注漢書曰蘇林曰 段校上口字改注字

注休謂退之名也 陳校謂改謁去退字是也此卽高紀注

注濮陽令 陳校濮上添去字令下添歸字

注嵇康秀才詩曰 又陸機曰日出東海隅 陳校秀上添贈字

機下曰字移在隅字下



恩甚戀重闌

五臣重作闕向注可證

注退將復修吾初

何校初下添服字陳同各本皆脫

晚登三山還望京邑

三山

元和郡縣志二十五三山在上元縣西南五十里太平

寰宇記九十三山周回四里輿地志云其山積石濱於大江  
有三峯南北接故曰三山謝元暉晚登三山卽此

澄江淨如練

六臣本淨作靜謝茂秦謂澄淨二字意重改之

非也嚴氏有翼藝苑唯黃云張文潛明道雜志謂宣城去江  
百里州治左右無江予按此是謝元暉晚登三山還望京邑  
之作三山在江寧縣北十五里江地名則此詩非在宣城  
州治所作

注何爲久淫滯

淫滯當作滯淫各本皆倒

誰能縝不變 五臣縝作縝向注詩云鬢髮如雲

京路夜發

注戒車三百兩 六臣本戒作戎是也

注班固燕山銘曰 燕下當有然字各本皆脫

注心怵惕而震蕩 毛本怵惕誤作休暢

江文通望荆山

悲風橈重林 六臣本橈作繞

雲霞肅川漲 姜氏皋曰漲無注于氏集評以爲叶平聲按廣

韻十陽漲涉良切大水貌四十一漾漲知亮切大水是義同

而平去兩收也非叶韻

注淚下霑衣裳 胡公攷異曰衣裳當作裳衣後燕歌行注引

亦然善注之例但取義同無嫌語倒也

再使豔歌傷五臣再作載銑注可證尤本作更誤

邱希範旦發魚浦潭

魚浦潭 六臣本魚作漁

邱希範 向注遲爲新安郡太守經此潭宿明日早發至中流作詩按梁書南史皆云遲爲永嘉太守在郡不稱職爲有司所糾非新安也向注誤

注山正曰障 六臣本正上有上字是也此引釋山文胡公攷異曰彼無山字善添之如前卷引水正絕流曰亂水字亦添尤本蓋校改刪山而誤去上字耳義氏舉曰爾雅釋山作上正章不作障亦無曰字其釋邱文亦曰上正章邱也然兩節章字釋文無音邪疏章亦平也邵氏晉涵以漢志江夏郡竟陵縣之章山隋志齊郡之章邱釋之似不作去聲讀

注說文曰島海中有山又說文曰傍附也 今說文海中往往

有山可依止曰島又傍近也

臥治今可倚 六臣本今誤作令校云善作令非也

沈休文早發定山

定山 水經漸江水注云錢唐縣有定包諸山

晚泄見奇山 又置嶺白雲間 按山間二字押入先韻與後人

之言通韻者異

出浦水淺淺

注音淺

六臣本淺淺作濺濺尤本濺誤作淺

新安江水至清淺深見底貽京邑游好

新安江 水經漸江水注云浙江又東逕遂安縣南饒廣二百

步上立杭以相通水甚清深不掩鱗故名新定分歙縣立之

晉太康中又改從今名按晉地理志遂安縣屬新安郡

注十洲記曰

胡公攷異曰洲當作州各本皆誤

清濟涸無津

何曰續漢書郡國志溫蘇子所都濟水出王莽

時大旱遂枯絕

甯假濯衣巾

六臣本校云衣巾善作布衣誤也何曰文苑英

華假作可古今事文類聚前十六亦作可

注

跼蹐謂去京師跼蹐之地

何曰隔跼蹐蓋言此生辱在泥

塗也無斥京師爲跼蹐之意舊注非

注

可以濯我纓

當作既有此內美此因下節而誤

願以潺湲水

五臣水作沫良注可證

注

雜子曰

陳校子改字前卷七里瀨注引可證卽周成雜字

也各本皆誤

王仲宣從軍詩

法建安二十年三月公西征張魯魯及五子降十二月至自南鄭是行也侍中王粲作五言詩以美其事 王氏昶曰曹操於建安二十一年五月方以公進爵爲王第一首稱相公良是第三首不應卽稱聖君也且三國志獻帝二十年七月操軍入南鄭十二月自南鄭還而第五首云朝入譙郡界攷漢書譙在沛郡後漢書同竊謂操本以征張魯至陽平魯破回至南鄭去譙絕遠惟操於二十一年十一月以征孫權至譙二十二年正月軍居巢三月引軍還仲宣以兩次從征征西一首征吳四首裴松之專取第一首註於獻帝二十年之下是也觀第一首中西征邊地及歌舞入鄴云云實已意盡語竭而第二首涼風厲秋節司典告詳刑自屬別起之勢昭明取兩次之詩並於一題善注因之則裴注不誤而善注誤耳且

後詩中又有桓桓東南征討彼東南夷之語其爲征權而非  
征魯之作更無可疑今按第二首李注明引魏志云云以別  
下四篇爲征吳之作王說是也

但問所從誰 尤本問誤作聞

相公征關右 顧氏炎武曰相公二字始此

陸賈新論曰 論當作語各本皆誤

軍中多飫饒注說文曰饒飽也 尤本中誤作人毛本注飽作

餘疑作餘者涉向注饒餘而誤張氏雲璈曰魏志裴注引魏

書云軍自武都山行千里升降險阻軍人勞苦公於是大饗

莫不忘其勞詩蓋指此

魏郡有鄴城縣 城字不當有此所引地理志文

所願志從之 今家語志作必無之字

盡曰處大朝 六臣本盡作盡案三國志裴注所引無此下十

二句

注異於是矣 六臣本異上有人字

注使子餘相 尤本脫相字

良苗實已揮 六臣本此下多竊慕負鼎翁願厲朽鈍姿二句

是也此傳寫脫下節注言仲宣欲勵節而求仕當卽指此

不能效沮溺 何曰建安十二年操殺中尉崔炎斤尚書僕射

毛价當時必有以高蹈免禍者故案云爾今案此說非也建

安十二年距作詩甚遠恐不相涉

司典告詳刑注尚書王曰有邦有土告爾詳刑 詳祥古字通

鄭注周禮三引度作刑皆作度作詳刑後漢書劉愷傳注引

呂刑鄭注曰詳審察之也



誰能無戀情 六臣本戀作此

注 咎眷懷歸 胡公攷異曰歸當作顧前屢引可證

人誰獲常甯 注 毛本人誰誤作誰人五臣常作恒濟注可證

注 毛萇詩序曰 陳校去萇字各本皆衍

從軍征遐路 此另起一章毛本誤連上首

征夫心多懷 又 豈得念所私 六臣本多作兩得作能

注 舫併舟也 段校舫改方

鞠躬中堅內 良注中堅卒伍之名按中堅猶左氏宣十二年

傳之中權也晉書張重華傳謝艾爲中堅將軍

許歷爲完士 余曰史記索隱江邃曰漢令稱完而不髡曰耐

是完士未免從軍也何曰許歷請以軍事諫完當作軍善以

爲全具張銑又改爲凡士皆非

一言獨敗秦 六臣本獨作猶

注有後令邯鄲 河校有改晉陳同各本皆誤

誠媿伐檀人 與上千萬人韻複

注搦朽摩鈍鉛刀 陳曰答賓戲搦朽摩鈍鉛刀皆能一斷鈍字絕句鉛刀屬下讀此恐脫四字

注孟子曰齊有地矣 當作而齊有其地矣

女士滿莊馮 六臣本女士作士女五臣馮作馮注同並非姜氏舉曰六書故云爾雅九達謂之達亦借作馮廣韻渠鳩切音求也吳械韻補據韓詩達作馮音渠尤反以與仇叶黃公紹吳才老陳第皆讀作求並以此詩爲證

自非聖賢國 六臣本聖賢作賢聖